



Drwy e-bost

22 Chwefror 2021

## **I bob canolfan sy'n cynnig, neu'n bwriadu cynnig cymwysterau Adeiladu a Pheirianeg Gwasanaethau Adeiladu (CBE) yng Nghymru o fis Medi 2021.**

Ym mis Rhagfyr 2020, fe wnaethom ysgrifennu atoch yn amlinellu'r trefniadau trosiannol yr oeddem wedi'u rhoi ar waith ar gyfer dysgwyr a chanolfannau wrth gyflwyno'r cymwysterau Adeiladu a Pheirianeg Gwasanaethau Adeiladu yng Nghymru. Ers hynny, bu tarfu pellach ar addysgu a hyfforddi ledled Cymru oherwydd y cyfyngiadau symud newydd a'r newid i ddysgu ar-lein i'r rhan fwyaf o ddysgwyr. Mae Cymwysterau Cymru wedi ystyried yr effaith ar ddarparwyr ac, ar ôl ymgynghori ag ystod eang o randdeiliaid, mae wedi diwygio'r trefniadau a fydd ar waith ar gyfer mis Medi eleni a mis Medi 2022 ynghylch argaeledd cymwysterau CBE cyfredol a newydd.

Wrth ystyried y trefniadau, rydym yn cydnabod yr heriau parhaus a wynebir gan y sector addysg a'r sectorau adeiladu a pheirianeg gwasanaethau adeiladu a achosir gan COVID-19. Rydym wedi trafod yr opsiynau sydd ar gael gydag amrywiaeth o randdeiliaid, gan gynnwys darparwyr dysgu, cyrff sector, cyrff dyfarnu, a Llywodraeth Cymru. Roeddem hefyd am i'r trefniadau a amlinellir yn y llythyr hwn fod mor hyblyg â phosibl, gan osgoi'r angen am ragor o newidiadau.

Bydd y trefniadau canlynol ar waith ar gyfer mis Medi 2021:

- Byddwn yn caniatáu dynodi cymwysterau cyfredol am flwyddyn arall (tan 31 Mai 2022);
- Bydd y TGAU Amgylchedd Adeiledig newydd ar gael o fis Medi 2021;
- Bydd y Cymhwyster Sylfaen mewn Adeiladu a Pheirianeg Gwasanaethau Adeiladu (Lefel 2) a Cynnydd mewn Peirianeg Gwasanaethau Adeiladu (Lefel 2) ar gael o fis Medi 2021;

- Bydd y cymwysterau Adeiladu Lefel 3 a Pheirianeg Gwasanaethau Adeiladu Lefel 3 ar gyfer prentisiaethau yn cael eu gohirio am flwyddyn a byddant bellach ar gael i ganolfannau eu haddysgu am y tro cyntaf o fis Medi 2022;
- Bydd Safon Uwch Amgylchedd Adeiledig ar gael o fis Medi 2022 fel y bwriadwyd yn wreiddiol.

Er y byddwn yn caniatáu ymestyn dynodiad y cymwysterau presennol, byddem yn eich annog i ddechrau dysgwyr ar y cymwysterau newydd cyn gynted â phosibl gan y bydd hyn yn eu helpu i symud ymlaen i astudio a hyfforddi yn y dyfodol. Byddwn yn parhau i weithio tuag at gael trefniadau pontio addas ar gyfer dysgwyr ym mis Medi 2022. Rydym wedi ystyried yr holl broffiliau dysgwyr posibl ar gyfer mis Medi 2021 a mis Medi 2022 ac yn darparu ffeithlun yn Atodiad A yn amlinellu'r teithiau dilyniant y credwn fydd ar gael i ddysgwyr dros y tair blynedd nesaf.

Byddwn yn cynnal sesiynau Holi ac Ateb rhithwir am 4pm ar [8 Mawrth](#) a [15 Mawrth](#) i ateb unrhyw gwestiynau neu ymholiadau sydd gennych am y trefniadau hyn. I gael rhagor o wybodaeth am y cymwysterau newydd, ewch i wefan Sgiliau i Gymru.


Yn gywir




Philip Blaker

Prif Weithredwr

# TEITHIAU DYSGWYR SY'N DECHRAU YM MIS MEDI 2021



# TEITHIAU DYSGWYR SY'N DECHRAU YM MIS MEDI 2022



## NODIADAU ESBONIADOL

Mae'r diagramau'n dangos teithiau dysgwyr ar gyfer llwybrau galwedigaethol a gwmpesir gan y gyfres newydd o gymwysterau Adeiladu a Pheirianeg Gwasanaethau Adeiladu ar gyfer dysgwyr yng Nghymru. Cysylltwch â ni am wybodaeth sy'n ymwneud â'n dull o ddynodi cymwysterau a ddefnyddir ar gyfer teithiau dysgwyr mewn llwybrau galwedigaethol eraill ar [datblygu@cymwysteraucymru.org](mailto:datblygu@cymwysteraucymru.org).

## CYFRES NEWYDD O GYMWYSTERAU

Mae manylion y cymwysterau Sylfaen, Dilyniant a phrentisiaeth newydd, sydd wedi'u datblygu'n benodol ar gyfer dysgwyr yng Nghymru, i'w gweld ar [wefan Sgiliau i Gymru](#).

## PRENTISIAETH (NEWYDD)

O fewn fframweithiau prentisiaeth newydd, bydd nifer o ofynion, gan gynnwys gofynion ar gyfer y cymwysterau a fydd yn cael eu dilyn. Yn dibynnu ar y daith a gymerir gan y dysgwr, gall rhai dysgwyr gael eu heithrio o rai o'r gofynion hyn.

## CYMWYSTERAU CYFREDOL

Cymwysterau lefel 1 eang yw'r rhai sydd fel rheol yn cynnig profiadau generig neu aml-grefft sy'n cyflwyno dysgwyr i'r sectorau adeiladu neu beirianeg gwasanaethau adeiladu. Mae cymwysterau lefel 1 crefft-benodol fel arfer yn cynnig profiadau cymeradwy sy'n ymwneud ag un llwybr galwedigaethol penodol. Mae prentisiaethau cyfredol yn ymwneud â fframweithiau prentisiaeth gweithredol cyfredol, sydd fel arfer yn cynnig cymwysterau gwybodaeth a chymhwysedd (neu gymwysterau cyfunol), gan gynnwys NVQs, ar lefelau 2 a 3.